



# YSGOL DYFFRYN CONWY

Pennaeth / Head : Miss Elan Davies

e-bost/e-mail : cyff@dyffrynconwy.conwy.sch.uk

[www.ysgoldyffrynconwy.org](http://www.ysgoldyffrynconwy.org)



24/4/20

Annwyl Rieni/Gofalwyr Blwyddyn 7-10,


Diolch yn fawr iawn i chi am eich cefnogaeth dros y cyfnod hwn. Gobeithio eich bod chi a'ch plant yn cadw yn iach ac yn ddiogel yn y cyfnod parhaus cymhleth hwn.

Yn ystod y diwrnodau diwethaf mae gwybodaeth bellach wedi ei rannu gyda ni o ran cynllun dysgu o bell cenedlaethol a rhanbarthol a rhagwelwn y bydd mwy o wybodaeth i ddilyn, yn enwedig o ran disgwyliadau ar gyfer blwyddyn 10 wrth iddynt bontio i flwyddyn 11 ar ddiwedd y tymor.

Mae gwybodaeth bwysig am gefnogi dysgu o bell yn ddigidol bellach ar gael ar safwe HWB. Gallwch glicio ar yr arweiniad o'r tab isod ar dudalen flaen **HWB**.




Wrth ddilyn y ddolen, cewch wybodaeth am ddysgu o bell gan gynnwys cymorth i rieni a gofalwyr: *DS - maent dal i ddatblygu ac yn anghyflawn ar hyn o bryd*



Ceir hefyd gwybodaeth ychwanegol gan gynnwys **cefnogaeth lles meddyliol** ar gyfer ein pobl ifanc, a'r offer digidol am ddim sydd ar gael i bob disgybl yng Nghymru:



[Type text]



Mae y ddolen gyswllt 'Teimlo'n bryderus?' yn cynnwys cyfeiriadau at asiantaethau cefnogi megis 'Meic' a 'Childline Cymru'. Mae'r elfen lles yn elfen allweddol o'r cynllun **'Cadw'n ddiogel – dal ati i ddysgu cenedlaethol'**.

### Cynllun Dysgu o Bell Ysgol Dyffryn Conwy:

Atodwn gopi o'r cynllun dysgu ar bell ar gyfer CA3 a Blwyddyn 10. Ategir y cynllun gan waith sydd eisoes ar Google Classroom ar gyfer eich plentyn. Cysylltwch os oes problem gyda mynediad neu llenwch yr holiadur rhieni isod (os nad ydych chi eisoes wedi gwneud) er mwyn i ni allu eich cefnogi:

[https://forms.office.com/Pages/ResponsePage.aspx?id=Ug4\\_TzS3ZEGUCRtgHRR5kyemwyTqFu1GpZn5IGLEeP9UNFBaT0U4UUIOSVBNWTVCV0w2Tk4R0ExMS4u](https://forms.office.com/Pages/ResponsePage.aspx?id=Ug4_TzS3ZEGUCRtgHRR5kyemwyTqFu1GpZn5IGLEeP9UNFBaT0U4UUIOSVBNWTVCV0w2Tk4R0ExMS4u)

Wrth weithredu ar yr arweiniad dysgu o bell diweddaraf sydd yn ein cyrraedd, mae rhai egwyddorion craidd yn amlygu hoffwn eu rhannu gyda chi. Bydd y rhain yn rhan o'n disgwyliadau ar gyfer cynllun dysgu o bell wythnosol hyblyg ar gyfer ein disgyblion.

- Mae lles disgyblion, drwy awgrymu gweithgareddau corfforol, lles, teuluol/cymdeithasol yn cymryd blaenoriaeth o fewn unrhyw 'amserlen' neu awgrymiadau dysgu, mae awgrymiadau wedi eu cynnwys yn y cynllun dysgu. Mae y cwricwlwm cenedlaethol a gofynion statudol wedi eu disodli ar gyfer y cyfnod cyfredol yn sgil Covid19 a cau ysgolion.
- Chi sydd yn gwybod sefyllfa unigol eich plentyn a'ch teulu, awgrym yn unig ydy'r amserlen sydd wedi ei gynnig – gallwch ei addasu er mwyn sefyllfa eich plentyn a'ch teulu.
- Nid oes disgwyliad bod pob pwnc yn cael sylw bob wythnos yng nghyfnod Allweddol 3 – rydym wedi ceisio modelu hynny yn y cynllun dysgu o bell enghreifftiol. Ym mlwyddyn 10 dylai ddisgyblion weithio drwy eu pynciau dewis yn eu tro, a rhoi sylw i'w pynciau craidd.
- Nid yw'r arweiniad rydym wedi ei dderbyn gan yr Awdurdod Lleol a Consortiwm Gogledd Cymru (GWE) yn cefnogi dysgu byw (live stream) fel rhan o'n hymateb i'r sefyllfa gyfredol ar sail diogelwch ar y we a dibynadwyedd ac ymarferoldeb gweithredu yn y modd hwn. Ni fydd dysgu uniongyrchol drwy systemau dysgu byw megis TEAMS felly yn cael ei cynnal.
- Gofynnwn i ddisgyblion weithio trwy y tasgau pwnc a'u cyflwyno drwy Google Classrooms, eu ebyst ysgol neu drwy'r post i'r ysgol yn wythnosol. Bydd athrawon yn cynnig adborth ar y gwaith fel rhan o gadw mewn cyswllt a cynnal ymrwymiad i ddysgu ein disgyblion. Y nod ydy y bydd hynny yn ein cynorthwyo ni gyd i allu ailgydiad mewn dysgu mwy ffurfiol wrth i ysgolion ail-agor i'r dyfodol.

Gobeithio y bydd y cynlluniau dysgu yn eich cefnogi chi wrth i chi gefnogi ein disgyblion drwy sefyllfa newydd ac anghyfarwydd. Byddwn yn anfon diweddariad dysgu ar gyfer bob blwyddyn CA3 ar ddechrau bob wythnos, lle yn ymarferol. Mi fydd athrawon pwnc yn diweddarau y gwaith ar Google Classrooms ar gyfer disgyblion blwyddyn 10\*.

Dymunaf benwythnos buddiol i chi gyd. Byddwch ddiogel.

Yn gywir, Miss Elan Davies, Pennaeth.

\*oni bai fod trefniadau eraill yn eu lle mewn achosion penodol.



Cyngor Celfyddydau Cymru  
Arts Council of Wales

Cefnogwyd gan  
Y Loteri Genedlaethol  
trwy Gyngor Celfyddydau Cymru

Supported by  
The National Lottery  
through the Arts Council of Wales

